

盛明雜劇二集

盛明雜劇

楚中時泉許潮編

季英沈士伸
西湖閱

武林孟英沈士俊評

漢年黃之禧

同甲會

夜行船

正末扮文潞公上坐掌台衡時已久論功名

堪並伊周疏廣歸田祁奚請老千古與吾爲偶

西江月

鬢上數莖白髮足間萬里青雲曙星才落

又斜矐目睫烏旋兔運愛與烟霞作隊非千鳥獸

同羣餘陰幸有晚氤氲惜此莫辜分寸老夫文彥

洛社耆
吳暮年
聚首是
懸車後
第一樂
事是千
古來第
一閑人

博的是也、兩登相位、三十餘年、名著華夷、功留社稷、進封潞國公、今退休居洛、與一時致仕中散大夫程珣、朝議大夫司馬旦、司封郎中席汝言、各年七十八歲、一向爲同甲會、每遇節候伏臘、宴集笑語、以樂天年、今當十月、古人有滌觴之飲、詩所謂朋酒斯享、曰殺羔羊、此其時也、昨已令直日的排小宴、請三公以永今日、未知備否、直日的何在、丑上掃院迎仙客、開筵聚德星、舞疑羣鷺、振曲度、水龍吟、稟復公相、筵席已齊備了、外扮程大夫生扮

飄然不羣

司馬大夫小生扮席郎中上

滿庭芳外殘菊香鎖疎桐影瘦滌場風雨初收生荒
荒淡日冉冉下簾鉤杖屨間從何處蒼山赤葉林丘
小生消暮景詩壇酒社造化與同遊

相揖科外

醉春風

携琴拽杖遠相求小春天氣和

柔蒼黃林麓刺吟眸泉瀉寒流生池浴青鳬菱老

田飛白鷺禾收衰顏對景且登樓此外何求丑稟

復三位老爺俺老丞相久等候矣衆行科正末迎

科同鄉同甲幸同朝外異姓同袍樂意饒生願得

同甲會

二

青天重洗骨。小生共睜方眼。看羲堯末。詩云。蟋蟀

在堂。歲聿云暮。今者不樂。日月其除。况農事告成。滌場報賽之飲。有不可缺者。吾輩祿位名壽。幸得於天。對景歡娛。以延殘喘。此其時也。將酒過來。

南一江風

臥林丘。景值冬初候。百穀休場圃。半蒼黃。

桑梓相連。里閭多耆舊。濁醪香可筍。黃雞肥可羞。俺幾個歌擊壤。共效唐虞叟。

前腔

外稻初收。殘菊枝枝瘦。漸覺梅堪嗅。對青銅白

髮無私。頓異年時候。樊籠事可丟。壺天閒可偷。俺幾

鐘鳴鼎
盡夜行
不休都
是自尋
煩惱與
見孫作
馮牛耳

個臥北窻。共效羲皇叟。

前腔

生憶驂騑。紫陌曾馳驟。颯颯風飄袖。歎黃梁一

飲猶案。便不是青年候。靈槎剗可舟。木葉紉可裘。俺
幾個鍊精形。共效崆峒叟。

前腔

小生役車休。蒼野堪行狩。雉化虹藏候。歎西風

一夜寒威木落。青山瘦。韶光誰可留。還丹自可修。俺
幾個茹靈芝。共效南山叟。

末

飲不可無樂。樂不可以不雅。飲而不樂則固。樂

而不雅則淫。晉唐以來。諸老縉紳。每宴集必用妖

姬艷妓、雖文如元白、武若李郭、顏顏齒豁、亦不能忘此胭脂氣味、所謂不解文字、飲終日醉紅裙、是已、我朝雅上文字、舞媚歌妓、不與縉紳之席、近訪得西京有一個會演傳奇的子弟、殊有梨園格範、喚他來演一樁故事、侑酒解醒何如、

衆最好、最好、

丑向內科

副末扮子弟敲鑼上科

末我四人生年

同甲俱近八十歲、今日小春宴會、你可演一樁故事、打着務頭的來看、

副末

理會得了、

鳴鑼科

鷓鴣

天

暑往寒來、春復秋、夕陽西下水東流、百年富貴

三更夢千古英雄一土丘、消俗悶、破閑愁、黃金難
買少年遊、細推物理、宜行樂、莫向西風歎白頭、歌

行 徠喬氏十八公、庾嶺臘氏十八母、二老風月

相綰、縕生下兩個兒和女、女號嶰谷小青娥、男號
淇園斐然子、吟風弄月、趣無邊、那看雨雪并風煙、
一家占盡歲寒景、醞釀春光媚壽筵、後有四句題
目、徠公嘲風咏月、庾嶺母竊玉偷香、嶰谷娥栖
鸞舞鳳、淇園子傲雪欺霜、場不虛開、正目早上、淨
扮喬大夫上

沸休文
松賦謝
惠連松
贊無此
風雅

南風入松

自從辭却大夫來。到而今二千餘載。看那

九棘與三槐。怎耐得時移歲改。嘆牡丹惟有荒臺海。

棠。嬌斷送在塵埃。算來誰是棟梁材。那有纍砢的節。

槩。怎如我千尺摩雲黛。布十里清陰如蓋。晴時候風

月滿懷。霜雪裏越精彩。玄猿白鶴兩無猜。菟絲瓜葛。

纏綿依附掛蒼巖。幾回向街前貨賣換明堂棟宇斜。

歪。非比他那樗櫟之材。有時許許出徂徠。把羣材壓。

似蒿矮饒他日邊紅杏。春風藹碧桃樹天上高栽大。

都來不是虬龍脉也。難結構栢梁臺。

老夫徂徠山喬大夫是也。因我年年十八歲的一
般人號我爲十八歲的老翁。昔蒙東嶽山木公西
華山金母相爲媒證。結配了庾嶺山臘氏十八母
同夥住在南極老人園裏。他雖然是冷淡家風。到
有些清香氣味。今是十月之交。寒暑相代之時。未
免喚他出來歡笑一番。則個丑扮庾氏十八母上。

臘梅花 玉鈿半額舊梳粧。水邊籬落多情況。贏得這
晚芬芳。月娥把鏡。雪郎傅粉。整容光。

老嫗庾嶺山人。姓臘氏。因我年年十八歲的模樣。

戲中作
戲影語
寓言勝
看唐人
小說

人號我爲庾嶺十八母。自從嫁了喬大夫，這老兒好風。風來便狂聲狂氣的。我好的是月。月上便魂飄色動的。兩口兒逐年風月生下兩個男女。一個是女兒，生得修長窈窕，愛着青衫，聘與嶢谷伶倫氏家。後裔人號他爲嶢谷小青娥。一個是男兒，生得虛心直節，又多文彩，一向在淇園衛武公書院裡搖擺。人號他爲淇園斐然子。今日是小春節令，不知老頭子喚我出來作何狀。莫不又是風發了麼？近前老頭兒萬福。淨老娘兒有禮。丑老賊你這

諷俱切
而趣

般粗皮、硬節、配着我玉骨冰肌的個嬌娘、真個便
宜了你、**淨**你那瘦貌、疎容、嫁着我蒼顏綠髮的個
丈夫、還是虧了我、**丑**我雖容疎貌瘦、暗裡甚香、**淨**
我雖節硬皮粗、陰下甚美、**丑**你陰下雖美、年久成
冷、必須要我采補、**淨**你暗裡雖香、鼎氣却冷、也須
要我調和、**丑**呸科、我曾竊爾以玉偷爾以香、安得
嫌我鼎冷、**淨**呸科、我嘗爲爾嘲風爲爾咏月、豈可
詛我成淋、**丑**且莫戲謔、遠遠望見兩個兒女行將
來了哩、**副末上**

竹枝詞淇水悠悠入百泉。猗猗夾岸青琅玕。武公祠
畔遺踪在。長舞清風萬縷煙。

小生是喬大夫之子。一向在衛武公書院前生長。
人見我虛心直節。文彩斐然。不似桃家郎。輕薄柳
家郎。顛狂號我爲淇園斐然子。今小春時節。父母
在堂。未免喚妹子出來。同去問省一番。則個旦上

竹枝詞

黃蝶飛飛。峴谷深。數竿寒玉傍雲林。軒轅去

後鸞凰絕。惟有風傳翠羽吟。

奴家是喬大夫之女人。見我嫋娜窈窕。愛着青衫。

不似姚家女兒、愛衣黃、魏家女兒、愛衣紫、年時已
聘與嶢谷伶倫氏家郎爲婦、因號做嶢谷小青娥、
今哥哥呼喚、不知有何分付、近前哥哥萬福、副末
妹妹有禮、喚你出來無別、今是小春時節、二親在
堂、與你同去問省則個、旦詩不云乎、爲此春酒、以
介眉壽、今小陽節令、百穀告成、幸父母俱存、兄妹
無故、正當對景歡飲、以樂天倫、小妹厨下已備有
酒殺、與兄同獻高堂、以介眉壽、是好、副最好、最好、
就便同往、近前爹爹媽媽萬福、淨丑孩兒免禮、今

日無事、你兩個不去讀書、做鍼線、同此草堂何幹、
副末旦跪科、孩兒竊聞人間五福、惟壽爲先、今二
親同偕暮景、孩兒又各青年、農事告成、樂事當舉、
願與雙親上壽一盃、淨孩兒說得是、遙想吾一班
的老朋友、如紫薇郎、隨祖公、九烈君、張六郎、千戶
侯、何等蕃盛、今皆凋謝盡矣、獨吾尚存、真個富貴
非難、悠久爲難、不可錯過光景、丑老兒莫說你見
得如此、同我一班的姊妹人家、如章臺柳家、若耶
溪、荷家、玄都觀、桃花、龍昌寺、李家、皆傾國傾城、今

安在哉、獨我如故、真是繁華逐流水、富貴等浮雲、不可空過、副末旦爹娘年高、眼見得如此、我兩個雖是後生、也見許多改變、如王三槐、竇五桂、荔十八娘、菊婢、蘭孫、多少枝葉、今皆蕩然矣、惟俺家子孫一輩、高似一輩、這都是造化篤厚之恩、聖君垂拱之澤、廟廊諸公調燮之功、不可不知、淨丑孩兒說得是、且將酒過來、我等對景祝贊一盃、淨舉

酒科

南錦堂月羣卉辭秋、百蟲閉蟄、寒衣已警、先授行樂

無荒效彼良士休休。傲嚴霜綠鬢蓬鬆。嘯清風蒼顏
吟吼。介眉壽。惟願取除舊生新與吾同茂。

前腔

丑回首幾度春秋。容粧淺淡羞競紅紫嬌柔。曾

早占花魁風流肯落人後。一任他質豔形腴。怎及我
容癯影瘦。介眉壽。惟願取至德馨香與吾同嗅。

前腔

副末盈眸萬彙俱休。風傳翠篠琳瑯玉擊金漱。

修影扶疎把塵氛掃蕩如秋。想柯亭千古知音憶鳳
臺雙吹佳偶。介眉壽。惟願取九闕簫韶與吾同奏。

前腔

旦春晝叢玉初抽。清陰尚短不堪棲鳳時候。深

如聽
聲如暗
香浮動
如竹所
爐味

感東風。吹噓進百尺竿頭。青簡上百節無虧。翠微間
萬竿均茂。介眉壽。惟願取孫子孫枝。與吾同後。

醉翁子

淨舞介。頻奏清夜瀉銀濤。韻驟與唳鶴啼猿。

共爲唱侑。丑撫淨。非謬歎綠慘紅愁。顏色如翁誰更
有。合同聚首。但蒲酌金卮。以祈黃耇。

前腔

丑舞介。頻皺看園林。蜂愁蝶瘦。若不是鐵石丰

標。豈堪禁受。淨撫丑介。知否。春信早已到江南。何必
橫斜望隴頭。合前

僥僥令

副末舞介。清陰搖古岫。翠影蘸寒流。但願輩

同甲會

輩凌鵬漢。枝枝近鳳樓。護御溝。旦舞介。庭除爲箕筭。
猷猷作籌筭。但願家室絕塵垢。田野獲豐收。無了休。
十二時合松青竹翠梅依舊。嘆反復世情難透。惟三
友是良儔。

同拜末此劇甚佳。衆正與吾輩風味相似。末再請
一杯。衆不勞了。就此告別。

竹青梅白與松蒼。耐盡人間雪與霜。
看破炎涼輪老眼。晚尋三友共壺觴。

易水寒

盛明雜劇

勾餘六桐葉憲祖編

武林仲質朱燦

閱

西湖辰三王璣評

貞敷葉蔚

易水寒

老田光捨身激友
智燕丹下士成名

烈樊期金臺高義
壯荆卿易水離情

第一折

生便服上流落天涯蹤跡渾
腰間寶劍七星文
丈夫會應有知己
世上悠悠安足論
某荆軻是也本

遷史荆

軻傳是

願虎頭

主麻詰

書六

翁易水

寒是馬

東歸則

溪卿作

手千載

下猶有

生氣

貫齊人、薄游燕國、向稱慶氏、今號荆卿、自小豪雄、頗好游俠、讀書擊筑、常思一見其奇、縱酒呼盧、且自暫同于俗、今日無事、不免去尋那狗屠、與善擊筑的高漸離、同到市中沽飲一回、有何不可、到此已是高生門首、須索叫他一聲、高生有麼、末便服上、少小幽燕客、由來輕七尺、所重在交情、豈肯中道擲、自家高漸離是也、聽得荆卿呼喚、不免上前相見、見介生、高生、今日無事、俺們相約狗屠、到市中沽飲一回、何如、末當得奉陪、今日狗屠不在家、

我兩人自去罷。**生**如此請行。**行介**。**末**酒保有麼。**丑**
上金臺美酒斗十千。幽州俠氣多少年。相逢意氣
爲君飲。繫馬高樓垂柳邊。呀。你兩個又來買酒吃
了。昨日的酒錢還少哩。**末**記帳。一總還你。且自拿
酒來吃。**丑**知道了。**設酒介**。**生**高生男兒軼軻徒擡
首。入市脫衣且沽酒。**末**荆卿看你衷腸激烈。才氣
飛揚。今日把你平生心事。試說一番。**生**高生聽者。
仙呂北點絳脣。四海塵迷。五方鼎沸。風雲會盡。要雄
飛。我養就屠龍技。

末荆卿有此奇才、何不求箇售主、生

北。泥。江。龍。連。城。白。壁。肯。無。端。獻。楚。自。悲。啼。且。沈。山。瘞。
影。被。褐。藏。輝。高。掛。着。馮。驩。囊。裏。缺。牢。收。了。朱。亥。袖。中。
鎗。江。湖。飄。泊。市。井。追。隨。逃。名。溷。俗。縱。酒。忘。機。喜。來。時。
唱。幾。曲。短。長。歌。悶。來。時。洒。幾。點。英。雄。淚。憑。人。拍。掌。任。
我。舒。眉。

白眼看
他世上
人

末荆卿、你的心事、俺已畧知、且和你吃酒者、

南。桂。枝。香。你。是。風。胡。紅。燂。霜。蹄。碧。碎。豈。無。識。者。廻。車。
自。有。明。王。持。簪。且。休。嗟。數。奇。且。休。嗟。數。奇。待。時。藏。器。

佯狂游世。和你醉如泥。本是鐘和磬。權爲塤與箎。

外白鬚便服帶劍上原嘗春陵六國時。開心寫意君所知。堂中各有三千士。明日報恩知。誰自家田光是也。燕太子與俺謀秦。欲求賢士。俺想非荆卿不勝其任。昨日已面薦于太子。不免先去見他。特致太子之意。他定在市中飲酒。須索尋他去來。見介呀。荆卿。你在這裏飲酒也。生田先生爲何而來也。

北汕葫蘆。你是箇處士。星辰應少微。住衡門。遊泌水。

甚風兒吹過杏村西。莫不是逢人貰酒還同醉。外也
不是。生又不去鬪鷄塲。奪勝標。走馬街。爭前隊。喚荆
軻。沒甚閑差委。多敢是勞薦引。荷提携。

外這箇說得是了。燕太子令俺多致意荆卿。

南不是路。他可詠緇衣。見說芳名好爵縻。教傳意。要
求英俊救艱危。生畢竟爲着何事。外暴秦欺。正當騎
虎雌雄勢。全賴君家一解圍。須投袂。青宮引領瞻車
騎。再休遲滯。再休遲滯。

生噯。荆軻有何德能。有勞先生過獎。太子垂念。

北天下樂。曾不比囊中脫穎。雖虛也波脾。將人浪品題。惹得他長歌憶采薇。俺只圖向春風弄錦絃。趁韶年倒玉杯。那曉得帝王憂軍國計。

末荆卿常言道。女爲悅己容。士爲知己死。卽當往見。幸勿多辭。

南枝拍矯矯英姿。矯矯英多。赴赴膂力。更翩翩不羣。俠氣猿公妙術。出匣來戮盡鯨鯢。今日田先生薦你。徑路豈無媒。不索向雍門流涕。且去朱門權寄跡。欲立功名自有期。古人有言。盛衰各有時。立身苦不早。

早難道輕把少年擲。鎮日酒壚中把壯志消磨。

外高生所見極明。荆卿不必過遜。**生**田先生既是高賢。燕太子亦多門客。荆軻不才。豈能領此。

北寄生草。你有拿雲手。和那縛虎威。出奇謀。不數侯。羸最展雄風。可共唐睢對。論王門。也不少。專諸輩。把我箇不文不武。一身擔笑。你們知人知面。雙眸背。

外這也都曾道過。我田光盛壯之時。頗不讓人。今已老矣。太子之客。夏扶血。勇怒而面赤。宋意脉。勇怒而面青。舞陽骨。勇怒而面白。無可用者。惟有荆

卿神勇怒不變色。荆卿再聽我一言。

南短拍種種蒼毛。種種蒼毛。纍纍弱體。羞殺我老馬。
虺隤。那盜狗共鳴雞。都碌碌因人跛。國士如君無
二當一諾。怎得猶夷。

太子恐驚耳目、不敢親來奉迎、懸望已久、請荆卿
連過之、生先生有命、敢不敬從、外背介吾聞長者
爲行、不使人疑、今太子送吾至門、戒吾泄言、疑我
至此、豈是箇節俠、今日傳命已畢、不如自殺、一以
明吾之不泄、一以激荆卿之速行、轉對生介荆卿、

易水寒

五

速過太子言光已死明不言也。**末**田先生何必如此。**外**我田光也是箇壯士豈愛一死。**自刎下生驚**
嘆介田先生好壯士也。

北賺煞痛殺白頭翁。狠殺青鋒利。一霎間升天入地。
甕得我剛腸空感激。**哭介**滿衣襟血淚淋漓。過東宮
先訴這因依。把馬鬣高封立箇死士碑。算偷生可耻。
這高名誰比。我只待功成泉下報君知。

第二折

小生扮燕丹太子衆引上。驄馬金絡頭。錦帶佩吳

鉤、失意杯酒間、白刃豈相讐、自家燕太子丹是也、

只因出質秦邦、受辱呂政、常懷報復、未得英雄、前

日、令田先生去請荆卿、不想他一言相激、遂至殺

身、深爲可痛、這也罷了、我看荆卿、果然智勇俱備、

是天賜我以報秦之會也、豈不可喜、今日金臺之

上、設宴款待、已曾請下樊將軍相陪、還未見到、未

扮樊將軍上、仗劍行千里、微軀敢一言、今爲大梁

客、不負信陵恩、自家樊於期是也、本爲秦將、得罪

亡燕、多蒙太子受而舍之、今日又蒙相召到金臺

上陪荆卿飲宴、須索前去、見介、小生侍兒們、今日筵席、更要比前齊整、一面去請荆卿赴宴、衆應介、生禮服上、俺荆軻一見太子、卽尊我爲上卿、舍上舍十分敬禮、今日又請我金臺飲宴、須索走一遭、呀、是好一座黃金臺也、

中呂北粉蝶兒、縹緲層臺、勢凌空、列星堪摘、望崔嵬、拱揖三台、兀自繞朱欄、環玉砌、碧牕香靄、做上臺介、謾撫衣平步金階、內作樂介、早天上管絃一派、

見介、生太子久蒙殊禮、方自愧心、更辱華筵、何勝

變色。小生不過登臺一望，侍兒們看酒，送酒介。

南石榴花 塵筵躬洒，專候客星來。聊極目，好舒懷。尊中新釀爲君開。愧尋常野藻村萊。羨登高賦裁。只憑虛攬盡烟雲概。我祖昭王，築臺求士，樂毅自魏至，鄒衍自齊至。劇辛自趙至，今荆卿之賢，在三士之上。乃燕社稷之幸也。生不敢。小生似當年恢復山河，看今朝淨掃風霾。

生俺想世上高臺，吳有姑蘓，楚有章華，都是遊樂之所。怎比金臺求士，又難得太子賢明，克繩祖武。

甲百情
深

但荆軻不才，所謂請自隗始者耳。**小生好說生**

北醉春風想當今無駿骨是誰收。有黃金何處買把
駑駘聲價。恁高擡則心兒裡揣揣不比那雲夢閑情
姑蘓醉宴章華驕態。

末今待樊於期借太子之酒奉荆卿一杯。荆卿太
子雅意如此何忍負之。**送酒介**生多謝將軍盛意。
末太子呵。

南泣顏回他虛左下英材。論殷勤禮意休猜。今日設
宴於此不爲無意。黃金臺上專望你再豎瑤瑤。這心

兒怎乖。拚今朝滿放金尊側。荆卿金丸射龜玉盤盛手。此二事者不可忘也。射玄龜特進金丸。愛春纖肯惜瓊釵。

生正是小生些須小事何足掛齒。外武扮手持劍上十年磨一劍霜刃未曾試今日把似君誰有不平事自家趙人徐夫人是也畜一匕首甚利聞得荆卿是個壯士募求利刃不免將去送他做到介衆問介外你去對荆卿說有一劍客相訪衆報介生見外介素未相識有何見教。外我乃趙人徐夫

人有七首頗利、聞荆卿欲求利刃、特來相送、**生**借
七首一觀、外付劍介、**生**看介果然好一口利刃也、
請問要價幾許、外常言寶劍贈與烈士、那裡要價、
荆卿請了、分手脫相贈、平生一片心、**逕**下**生**此亦
一奇士也、**轉**介方纔趙人徐夫人持一匕首相贈、
逕自拂衣而去、小生末有此異事、**生**這口利刃、價
直百金、用藥淬之、刺人立死、

北迎仙客你看這芙蓉刃、鵠鵠胎吐精光、黯黯青蛇
色、好比莫邪銛、千將快、走風塵不用怨沉埋、我待立

功名却把您做箇先鋒

小生

利刃自至。此乃成功之兆。俺們暢飲一回。女

樂們承應着。衆叫介旦貼丑扮女樂上公子名無

忌。佳人字莫愁。女樂們磕頭。小生起來奉酒。旦貼

丑奉酒介合唱

南古輪臺勸多才。人生爭遣酒盃捱。正逢愛客瓊筵

啟。休誇珠履謾摘華纓。賓和主燕喜情諧。試轉歌喉。共掀舞袂。翠羣低影襯弓鞋。直到厭厭夜飲。燦銀燈。斜映香腮。有仲由百榼。淳于八斗。平原十日。任取玉

山歪。君還醒。試看人面鏡中衰。

外扮報子上。旌旗臨井陘。烽火徹遼陽。報子磕頭。
小生有甚軍情。這般緊急。外啟千歲爺。秦將王翦。
破趙虜趙王遷。進兵將至燕界。小生曉得了。外急。
下。小生荆卿事已急矣。計將安出。生此事荆卿籌。
之已久。昨日畫下地圖。今又得了匕首。只少一物。
無以爲信。小生畢竟甚麼物事。生料得太子所不。
忍言。容與樊將軍商之。與未背語介。荆軻諸事俱。
備。只少一物。望將軍慨允。末不知荆卿要於期何。

物無不從命。**生**欲得將軍之頭。耳秦購將軍金千斤。邑萬家。誠得將軍之頭。以獻秦王。秦王喜而見我。我事成矣。

北紅綉鞋他和你今世裡冤家。前世裡債。真箇的雄心如虎。狠如豺。將軍你男兒臨死不須哀。能酬終古恨。燕國也可免剝膚災。真落得身亡了名不壞。

末只道要我何物。區區一頭亦何足惜。適纔七首。借我一用。**生**付劍介。**末**我樊於期爲秦。正日夜切齒腐心。今得死所矣。

南撲燈蛾我稜稜骨已柴。稜稜骨已柴。刺刺心如薑。
懷恨幾多年。自歎此身慙慙也。平生慷慨。微軀肯惜。
喪塵埃。謝東宮。周旋款待。笑報讐一事。還與報恩該。
自刎下小生驚哭介。樊將軍爲我而死。好不痛殺。
人也。生慷慨殺身。丈夫常事。太子不必過傷。可作。
木匣盛了首級。我不日入秦矣。

北耍孩兒尾

你傷情不用啼。便捐生何足駭。常言道。

勇士喪元無害。且自打疊起香木函兒。齎送我入秦。
客。

第三折

末抱琴上。幾年海內逢知己。今日天涯別故人。誰道人生都是客。不禁涕淚欲沾襟。俺高漸離聞得荆卿今日入秦。逕到易水之上。送他去來。雜扮軍士淨外扮賓客小生扮燕太子同上。塞上胭脂凝夜紫。半捲紅旗臨易水。生上報君黃金臺上意。提攜玉龍爲君死。見介生念俺荆軻田先生舉於市人之中。燕太子待以國士之遇。今日驅車辭易水。提刃向函關到此風景好慘然也。

易水寒

十一

不獨風
具慘然
情詞亦
慘

雙調北新水令則見蕭條易水變新秋嘆飄蓬幾年
奔走寄身燕市隱浪跡酒人游今日呵忽地相覓免
不得酸辛事把肝腸來嘔

小生丹等聞得荆卿今日入秦行事有一杯酒爲
君祖道待俺先把盞者送酒介

南步步嬌只爲無道強秦似豺狼吼列國如窮獸何
堪復我讐國勢燃眉反噬臍難救荆卿此行呵談笑
奮吳鉤這番始顯回天手

生太子俺提一匕首入不測之秦欲待吾客與俱

今太子遲之。請辭決矣。

北折桂令 你數年間意氣綢繆。古人言小禮難酬。猛拚箇將身借您兩快恩讐也。則爲因人迤逗。原不是故意淹通。須索自策馬遨遊。轉眼處離燕都客舍。青指日裏叩秦關古道悠悠。

淨外俺們如今同把盞者送酒介

南江兒水 你名滿金臺下。還將駿骨搜。平原門下誰居右。太子呵。他有讐未雪。心長疚。你無恩不報言非苟。好把雄心抖擻。碌碌吾儕。專聽捷聲飛奏。

生俺見秦王左手把其袖右手堪其胸。這事不愁他不成也。

北鴈兒落帶得勝令

俺提着烈轟轟上將函。藏着明

閃閃魚腸鏃。待張開輿地圖。就裡把機關湊。那時得刼秦王。盡返諸侯之侵地。則大善矣。不可。則因而刺殺之。赤緊的宮袍攬取。次裡寶刀抽。縱不如曹沫把齊桓刼。也要學要離將慶忌搗。秦王若死。豈有國內亂而大將立功于外者乎。躡躡那王氣黯然收。秦也麼。囚大樹倒。驚散小獼猴。

夢入欲
歌欲泣

一派情
詞與風

末荆卿、俺高漸離和你情屬投膠、誼稱刎頸、昔日

酣歌燕市、曾承再顧之榮、今朝遠赴秦關、將卜來

生之會、好生難割捨也、待俺也奉你一杯酒、俺擊

筑、荆卿和歌、試爲變徵之聲、送酒介

南德僊令 你甘心投虎口、何日卜刀頭、謾向燕河還

折柳、死別共生離、一旦休。

生高生、今日和你事隔燕秦、路分人鬼、聽你悲歌、

裂石、幾令壯志成灰、不覺淚與言零、腸隨酒斷。

北收江南呀、你看這無情易水呵、下西風刮面颼颼。

易水寒

一三

蕭蕭二語一般感慨悲壯

只覺得蘆花夜冷入孤舟。只落得桑乾遠度望并州。要重逢可自由。誰道丈夫有淚。不向別時流。

淨外我聽高先生與荆卿話別。衷情激切。詞氣慘悽。驪歌一曲斷人腸。坐客相看淚如雨。小生正是

正是各作哭介。末荆卿豫讓報知氏之讐。先已漆身吞炭。聶政感嚴君之德。甘自決面。屠腸何至。餘生戀戀爲小丈夫不決之形。臨別依依有兒女子可憐之色。待俺再奉一杯爲君壯行。試爲羽聲慷慨。荆卿弗辭。這杯酒者。再送酒介。生死且不避。酒

忽悲歎忽慷慨易水至今猶寒

安足辭末

南園林好請搵住英雄淚眸。且盡此樽前酒甌。莫使神機洩漏。博清名萬古留。覩一命似蜉蝣。

淨外你聽他們言詞慷慨。使人壯心勃勃。髮上指冠。生俺聞萬金酬士死。一劍答君恩。又道是人生畱得丹青在。縱死猶聞俠骨香。高生。荊軻領教矣。秦舞陽等前途久候。俺須索要去也。

北沽美酒帶太平令。謾臨風再強謳。謾臨風再強謳。烈心腸肯放柔。說甚麼秋風客路愁。雙怒眼不會睸。

笑按青萍射斗牛。管取箇機謀成就。且罷了慇懃盃酒。何須用十分僇憊。我呵。算人生浮漚置郵。高丘贅旒。呀。別來時不把馬頭重扭。

急下衆好壯士。好壯士。一直去了。更不回顧。

南尾聲。他一鞭秋色長途驟。正落日蒼黃滿戍樓。末只剩別淚盈盈濕敝裘。

第四折

丑冠帶負藥囊上。只憑肘後一青囊。博得

鴛鴦

鴛鴦行。當日武王聽扁鵲。肯教二豎入膏肓。自家秦

國御醫夏無且是也。我王升殿。俺太醫院官也該隨班侍立。只得在此伺候。老旦冠帶上。淡月疎星繞建章。仙風吹下御爐香。侍臣鵠立通明殿。一朶紅雲捧玉皇。自家秦國右庶子蒙嘉是也。蒙王寵愛。頗有威權。昨日燕國使臣荊軻要見我王。先送我千金禮幣。已曾替他奏過。我王大喜。今日御咸陽宮見他。只得在此伺候。淨扮秦王雜扮內侍二人。旦貼扮宮娥引上。蓬萊正殿壓雲鰲。紅日初生碧海濤。開着午門遙北望。柘黃新帕御床高。寡人

秦王是也、賴得祖宗威力、更兼兵將豪強、漸吞列國、獨霸諸侯、可喜可喜、昨日右庶子蒙嘉奏道、燕國遣使臣荆軻、特來納款獻地、這是一樁大事、不可怠慢、今日御咸陽宮、朝服設九賓、然後見他、使天下聞知、都說寡人有禮也、坐介老旦丑拜見介、淨諸卿平身、右庶子、你替我宣那燕國使臣進來、

老旦領旨、起向鬼門叫介、燕國使臣有宣、生戎裝手捧盤、一人頭末戎裝手捧畫軸、捲刀在內、同上、

生荆軻是也、末自家秦舞陽是也、生俺們奉燕

國之命來使秦國。到此早是咸陽宮也呵。

黃鍾北醉花陰

寶殿瓊宮禁門敞。高掛起咸陽署榜。

星乍落。露將灤。光閃閃晨日蒼涼。振鳴梢開仙仗。內

叫外國使臣。不得帶寸兵上殿。生知道了。你號令凜

如霜。誰待要劍迎花氣爽。

同末拜伏介。燕國下臣荆軻秦舞陽。願大王千歲。

淨笑介

南畫眉序

窮土盡梯航。喜得來王與來享。有千官舞

蹈。萬國冠裳。塗山上玉帛交加。函谷外車書相望。使

臣你那燕王怎麼說。合試將國命從容奏。休得詭辭。
虛誑。

生起跪介燕王震怖大王之威。不敢舉兵以逆軍
吏。願舉國爲內臣。比于郡縣。謹斬樊於期頭。及獻
督亢地圖。再拜送使臣荆軻於庭。以聞大王。惟大
王命之。淨使臣起來細說。生起介

北喜遷鶯聖主在九重天上。小臣們怎敢荒唐。那燕
王呵。驚也麼惶。竝不會調兵出將。只納款稱臣奉表
降。待守着天一方。先納下亡臣首領。後獻取敝邑封

疆。

老旦丑既得罪人、復增王土、真可喜也、

南滴溜子 逋逃的、逋逃的、終難脫網、疆場地、疆場地、盡歸指掌、這威德乾坤浩蕩、羣雄指日亡、太平有象、歸化爭先、當加上賞。

淨內侍們、把樊於期首級、撤出宮門、荆軻去拿那地圖、與寡人看、副使先退、衆擲頭下、生取末畫介末先下、淨看畫介、這箇督亢地方、那裏起、那裏止、是獻與寡人的、生

北出隊子憑這箇輿圖方丈是幽燕棗栗鄉林胡北
去近邊牆易水西來屬大邦緊靠着滹沱連上黨

做攤書露刀介生搶刀捉淨袖介淨慌叫介荆軻
爲何無禮生叱介陡你恃強無道侵虐諸侯天使
我來誅你老旦俺們手無寸鉄怎麼向前丑譚介
俺拿藥囊打他何如老旦藥囊濟得甚事丑經着
俺的藥囊十人九死各作慌介生叱衆介你們一
人動手俺就刺殺秦王淨搥手介你們且都不要
動手使臣今日中汝之計俺也無如之何願聽琴

聲而死。生笑介。這箇依你。旦貼背介。我想燕人不曉秦聲。不免卽在琴聲之內。暗送一箇關節。我王可以脫身也。彈琴介。

南商滴金 暫來錦瑟佳人傍。流水高山細評量。好將心事低低唱。袖還鬆。屏可撞。鹿盧御仗。腰間拔來堪抵向。堪抵向。鰲魚脫却走波浪。

淨脫身走下。生趕下介。老旦丑衆慌介。如今我王脫了身。我們大家上前。一頓拳頭打死了荆軻。便好了也。各走下。淨急走上。生急趕上。老旦丑衆隨。

上混走介丑將藥囊打生譚介倒介生復擒淨介
你待走那裡去也

北地風呀險些兒臨崖馬溜韁打垂的幾箇婆娘

你到焰摩天我脚下騰雲上拚一箇熱血相幫再休
想好心輕放合是你作孽遭殃作要殺淨介淨求饒
介使臣饒了寡人之命寡人無不聽從生俺且不殺
你可要依我幾樁事來淨是那幾樁寡人一一從命
生我待題幾回數幾樁你可要小心聽講也要你進
輿圖拜表章再不許弄干戈鬪勝爭強

實對你說、俺此來奉燕太子之命、要你悉返諸侯
之侵地、片言不肯、卽行刺殺、**淨**這箇一一從命、生
秦人多詐、也難信你、**淨**皇天在上、羣臣在下、寡人
請與子盟、

南鮑老催天威朗朗、神明鑒察、難欺罔、諸侯地界甘
推讓、立誓言、罷戰爭、安屏障、須知口血應無恙、難背
面、還無狀、不日裏、邦家喪、

生秦王、我看你也是箇男子、料不食言、我便放了
手、也不懼汝、放淨介老旦丑謝天地介生

北四門子請秦王莫怪荆軻你你你你百官們謾着
忙俺只圖四方按堵無勞攘要你寫求和紙一張淨
這箇就寫生秦王秦王別人做羊自家做狼到頭來
顛番弄一場你守着這荅他守着那廂煞強似陽翟
巨商。

淨內侍們急忙打報與王翦蒙驚諸將教他卽日
班師侵占諸侯之地一一還他衆領旨向鬼門傳
介內應介淨右廐子可同侍醫持節送使臣出宮
上舍筵宴寡人且自回宮去也老旦丑領旨淨內

侍旦貼同下老旦丑持節引生介合唱

南雙聲子飛龍帳。飛龍帳。見朝罷香煙颺。蟠龍幢。蟠龍幢。奉詔旨從天降。離永巷。離永巷。頒厚貺。頒厚貺。你榮歸易水。八方名暢。

燕使請了。到此已是宮門之外。俺們復旨去也。生請了。丑右廐子。你先去復旨。我還取一丸定心丹。奉與大王。哩。老旦笑譚同下。小生華陽巾崔駘手。持笙扮王子晉。撞上荆卿。荆卿。塵世之事粗畢。不要迷了本性。生呀。先生是何人。小生俺是你仙班。

劍俠原
是劍仙
此下轉
奇而挺
覺更勝
腐史一

故友王子晉也。生呀、荆軻省得了也、俺原是神仙、
暫爲劍俠、如今依舊歸真去也、

北水仙子呀、呀、呀、這面龐險險險、迷了舊日行藏。
巧換粧他他他、有何德何讐我我我、爲誰疼誰癢。好
好好好笑的、浪悲歡、冷熱腸也也也、都是火性強。
陽閃閃閃閃、出箇袖裡青蛇、八尺長。把把把、把這些
邪魔斬斷歸蓬閭、與與與、日月共翱翔。

小生荆卿還不曉得、燕太子宿世有恩於你、數當
報效、田光高漸離徐夫人諸人、都是上界一班劍

仙來助你成事的。今日成事。我故特來度你。生却
原來又是恁的。多謝你走這一遭也。小生吹笙介

生

尾聲 刪抹了這段塵緣。只一餉吹笙的起動你。箇王
郎撮出箇壯士。生還莫當做謊。